



予業師素邨馬先生者浙江海
寧人也登戊子賢書成癸卯進
士知山左觀城縣視事甫一載
以疾終於任所其德政風化彼
都人士頌揚備矣予不再述嗚
呼先生下榻敝齋十五年晦明



風雨朝夕討論得力於先生者
深且篤焉所謂中心藏之何日
忘之頃聞先生之訃予悲痛已
極徒以道塗脩阻弗獲躬奠總
幃為歎仄耳適於休沐日發笥
篋得遺藁詩讀其書尚想見其

人而况受業於門者乎既讀既
悲情不能已即付之梓以垂不
朽并誌予不忘之意至於先生
文行品格予不敢讚一詞聊序
數語於編首云爾

皆

雍正戊申孟夏之中浣

受業納蘭永壽仁山謹謨



寶穎堂詩集



海昌馬翼贊素邨著



受業永壽仁山父叅訂

友人以詩招看枯樹因和其韻二首

競說秋來紅樹好誰知素面勝施丹人情
自不甘幽寂山色何曾判暖寒良會偏於

寶壽堂詩集
殘歲值孤懷欲索解人難登臨不用嗟搖
落要把山林晚節看

其二

屈指前盟血未乾藥鑪堅守九還丹肝腸
自不因人熱猿鶴休輕笑容客寒莫歎髭鬚
絲較早余近有白須故及之若除山野路皆難輸他

老衲觀空法集苑棲枯一例看

有感

衰年長與世無爭惡事何來夢亦驚酒隔
歡腸偏易醒憤非意料最難平慚無魚肉
供刀俎幸得詩書記姓名底事獨來穿我
屋可知鼠雀有經營

秋旱

汗滴秋禾淚亦垂
天高葉脫雁聲悲
雲無雨意還山早
煙斷廚頭喚飯遲
誰對魚蝦憐竭澤
漫勞簫鼓乞荒祠
儒生敢有蒼生意
却悵重陽釀熟時

前詩方成夜雨驟集喜而再賦

行吟坐歎入三更
雲起天河暗不明
世事日疎唯望歲
雨聲暫緩便憂晴
魚梁處處橫官渡
蠓蝦邨邨斷夜行
尤與農家關切處
秋收可免欠租名

友人醉後折足因將止酒詩以解之

五斗陶公不折腰
偏思種秫佐詩料
達人

寶壽堂詩集
自古逃於酒豪飲何妨潑過潮莫怪知章
花兩眼恨無子美句重描定憐爾脚勞無
樣正好安眠醉暮朝

對鏡自歎

事與心違忽數年不堪鏡裏面蒼然鬚隨
髮短兒猶挽瘦共愁增婦亦憐剩有粗豪

眉似戟本無丰度貌如蓮珥貂久絕頭顱
望誓向林泉結小緣

雨中有感

只合沉沉醉綠醅不然心事雨中來試看
眼底分榮悴青遍楊枝落盡梅

壽祝封翁七十

金樽銀燭列堂前正值陽和至後天早識
 養生兼教子果然富貴又神仙萊衣繞膝
 裁宮錦鴻案齊眉共鶴年莫把尋常來頌
 禱鳳銜花誥九天邊

時公次子
 詒成進士

英兒納婦口占以訓

草草匆匆四十春艱難百事總安貧德微

愧我為人父慶遠看兒欲嗣親瑟柱琴絃
 宜靜好晨吟夜績要辛勤須知耕讀家風
 舊努力支持在後人

送某官之任淮南

御屏旦晚看書名先啓前旌出鳳城渦口
 風雲生壯采淮山草木憚威聲月臨玉帳

傳宵析春暖牙旗課曉耕爲國繕兵民治
粟東南今喜得長庚

辛巳三月招集馮念祖顧嗣立吳陳

琰周崧周敬家叔彝尊放舟西湖

三潭采蓴聯句

見曝書亭集

明湖一鏡平際曉光汎汎

彝尊

三月抽香

八音巴入声

蓴纖纖裹柔茁

念祖

吳儂戀鄉味少小能

識察

嗣立

擬荷錢未圓比荇帶尤滑

敬

差

勝雉尾長頗類蠶絲軋

陳琰

燕敘股天斜

鳧葵莖澡刷

崧

入掌溜蛭蜨逆毛掩鶻鵠

翼贊

當其采摘時得一走七八

彝尊

幾番

誠漁童百過迴櫓竅

念祖

匪直手拮据更

在眼明黠嗣立貯之老瓦盆戢戢小魚頡

敬敬亟須下鹽豉曾不費椒檓陳琰即此足

解醒饒拟恣交戛崧却笑張季鷹苦待秋

風刮翼贊

曉起觀蓮

破夢香風遠凌波荷氣鮮團團凝宿露灼

灼照晨烟漏昔鳴蘭若燈曾燭木天何如
獨立處河水自淪漣

白蓮花

已拔汙泥窟尤矜雅澹姿鷺拳難辨影懶
髓不煩醫社擅東林勝根應玉井移生來
依淨域自不染塵緇

詠夜來香

本與蘭同譜偏能夜發香從來君子德幽
處吐芬芳

詠萱花

葵榴謝南軒菱草榮北牖我心本無憂對
花聊命酒

題畫

何年顧陸手寫此好林巒松老顏逾翠亭
閒地覺寬雲遮山斷續寺隔水迷漫不盡
滄洲趣披圖得細看

詠瓶中紅白蓮花

輕紅淺白浴清池折得亭亭插古甕終是

寶壽堂詩集
仙姿非俗艷
酡顏素面總相宜

詠金蓮花

八寶池中蓮五色
此花偏獨占黃光
料因地布黃金後
開出金臺坐法王

詠蘭

香草列騷經
惟蘭滋九畹
眷彼空谷中
無

人香自遠一朝辭巖阿
高齋共清婉
旣免當戶鋤
又得同心綰
物生會有時
莫歎相逢晚

秋蟬

綠槐陰裏藕花香
大火初流日尚長
何處蟬聲鳴遠照
一番送暑又迎涼

寶壽堂詩集
九
詠夾竹桃

幽似此君偏吐艷
靚如彼美忽臨風
春時曾入山邨裏
幾點桃花亞竹紅

和重九日訪菊

何處秋花好曾聞
冒雨尋晚香懷老圃
霜信傲疎林帽任風
前落盃邀月底深不煩

莫作佩籬下動高吟

擬春日早朝

視草出明光流鶯繞
建章千門春晝永退
食

聖恩長花裏收

仙仗衣間帶

御香和風

拂歸騎百爾賦羔羊

賦得月湧大江流

自古江流接混茫
冰輪一片照蒼涼
流將月色歸何處
訝與天光共許長
萬頃茫茫鏐沈澹
終宵皎皎濕帆樯
輸他漁艇衝烟去
欸乃聲中響夜榔

賦得翠屏千仞合

不覺千山合
唯訝四面青
倚天堪作柱
匝地列維屏
得日須亭午
開崖憶五丁
只嫌雲露重
無術問山靈

擬冬至早朝

黃鐘應候飛葭管
絳幘鳴鞭啓建章
爛熳旭光凝綵仗
氤氳瑞氣撲爐香
天開泰運

寶壽堂詩集
陽方進人拜

皇恩日漸長自愧非才陪侍從鳳書頒自鳳
池傍

瑞雪

玉堂徹曉對瓊枝直比人間姑射姿袖拂
螭頭曾獻瑞帽欹驢背好尋詩蘆花高下

藏漁艇柳絮飄揚點酒旗何似六花飛麥
隴定書大有慶雍熙

賦得萬國衣冠拜冕旒

塗山誇玉帛姬澤遍要荒率土環堯陛呼
嵩近舜裳綵旒瞻肅穆化瑟慶明良

帝德難名處微臣愧拜揚

擬春日山行

桃誰染就柳誰搓遙指吟鞭上翠蘿著面
風和同中酒經春山暖比脩娥漁溪樵徑
天然畫燕語鶯啼自在歌試問烟巒最深
處幾人筇杖此間拖

舟中玩月

停橈江浦晚雲際玉盤明照水天同淨浮
波鏡樣平蒹葭霜信早鷗鷺雪衣輕望望
銀河路終當破浪行

秋林曉日

不獨楓林可勝花曉烟收盡曉光斜秋林
雖晚猶如錦旭日方升已染霞洩水人喧

寶壽堂詩集
驚澗鹿鳴鐘寺近起棲鴉試看橘柚梧桐
景還屬詩家屬畫家

雪後登山

誰攜瑤圃玉琢出此乾坤樵枳盤鴉陣松
稍聚雀喧人疑遊閬苑樹盡插銀幡願上
蓬壺頂高吟徹九闍

詠梅花

百花俱未放冰玉粲參橫帶雪香偏遠籠
烟色更明寄來煩驛使看去動鄉情欲訪
林逋路何如傳說羹

花開日客至留飲

小窓今日曉花發好友欣逢不宿來淑氣

寶鼎堂詩集
已先春日到素懷况爲故人開明燈自照
參差影促席頻傾激灑杯須信人生行樂
耳從今相約醉千回

水月次韻

澄波涵盡蔚藍天一顆摩尼浴九淵侶向
空明開淨域好憑蕩漾吊詩仙身心相喻

參靈鏡瓦礫誰投試宿禪悟得萬殊歸一
本片輪化作憶川圓

其二

白毫芒裏聚人天上澈青冥下澈因兩鏡
忽看光互攝枯槎疑有路通仙潛虬騰躍
還珠浦霧縠滌回碎衲禪一朵蓮花根不

寶壽堂詩集
染從來無礙是虛圓

其三

七寶奩開不夜天直疑落日浴虞淵龍吟
一曲樓頭笛鶴影空江夢裏仙自古水天
浮一氣若分彼我礙通禪普光明殿傳燈
後心印原隨百器圓

江虹明遠影次韻

流渚昔傳爲上瑞跨空今復飲澄江雄風
決起水俱立幻質旁生影忽雙曾向秦宮
縈複道也窺硯沼入書窓寄聲絳領宣城
宰不用諸郎助射降

其二

寶象堂詩集
殘雨初收殘照裏忽如人渴飲清江波心
直接天高下寶氣疑騰劍一雙或說蟾蜍
噓幻影又嫌蝮蝮汚吟窓輸他老衲無聞
見一縷遊絲鉢內降

其三

垂虹若可作垂梁不用浮杯穩渡江一線

劈開天兩界孤光照見水中雙綵絲簷吊
沈湘客錦纜偏當面水窓截作纏頭三百
萬明粧向舞酒兵降

雪後青松

雪封雲樹盡凋零獨挺松稍一點青老幹
盤挈龍蛻骨遠風披拂鶴梳翎棟梁要歷

寶壽堂詩集
水霜境澗壑多無偃蹇形堪笑百花爭媚
日誰人珍重此亭亭

擬元旦早朝

森嚴天仗護

宸闈瑞氣初臨闈闔門四海怙熙逢獻歲百
官拜舞慶三元宜春且喜簪旛勝無闕何

勞發獸樽上壽從容朝退早屠蘇後飲荷

君恩

詠倒掛鳥

雖明鶉火燭炎方片羽翩翩勝吉光釵上
身輕同鳳子林間角掛笑羚羊前生定擅
迴風舞入夢猶成墜馬粧試問夜深人盡

寶壽堂詩集
醉爲誰散遍晝收香

讀蘇詩玉出郊尋春詩和韻

衰年舊學負師門愧作人師面目邨鏡裏
鬚眉霜有信客中歲月水無痕心源有觸
叅須活書味無窮熟更溫莫把歲寒天錯
過梅花幾點動吟魂

湖上雨後

雨過湖堤水氣昏前邨後嶺渺難分好山
想在雲深處縱不看山也看雲

自怡園觀燈二首

亭館皆成不夜天燈和月色共嬋娟燭龍
宛轉回廊下綵鳳蹁躑火樹前寶炬通霄

隨漏永暖光匝地占春先明朝日出如相
憶似化城中百億蓮

其二

吉祥光裏赤城霞春滿昇平相府家閨苑
有花皆四照法幢何樹不繁華人逢令節
神先旺月到元宵霧不遮自愧酸寒逢盛

舉今宵消受福偏賒

平臺望月二首

溶溶漾漾白豪光入夜憑高攬八荒大地
盡成銀世界人家多住水中央雲開直接
靈槎路天近疑聞老桂香清景欲摹摹未
就一條冰在玉壺傍

其二

人登高處望逾迴
月到臺前色倍明
此地去天原尺五
誰人犯斗入深更
冰輪轉轂羣星退
寶鏡開奩萬象星
不惜把杯成酩酊
恍如拔宅上瑤京

因曠洲

眼界心胸總曠然
白玻璃上住神仙
親人魚鳥欣依地
攬勝蓬瀛占別天
波動鮫鱗風簇縠
潤通瀼氣玉生烟
高懷知己涵千頃
一任汪洋納百川

雙竹廊

好竹從來不厭多
絕奇廊下聳雙柯
寶旂

寶壽堂詩集
對樹瞻霓蓋勁節騰空化鐵梭近砌已勝
書帶草結根不羨泰山阿欲將何德比君
子交讓枝間連稊禾

巢山亭

無數山光與水光盡收萬象入亭傍優游
雅稱東山屐結構全勝華子岡鷗爲忘機

當檻立花如識面隔溪香神仙卿相令兼
取道是山林又廟廊

繡經室

一室繡經似佛廬世塵不染絳芙蓉池頭
月印神同皎天際雲閒意共舒孔思周情
推著作法龍香象契真如須彌芥子原同

觀椰子能容萬卷書

春日聞鶯

和風暖日滿皇州
忽送鶯聲憶昔遊
選樹曾啼橋畔柳
催詩每近水邊樓
喚回曉枕尋春夢
借作歌筵勸酒喉
聽徹清圓還宛轉
不言桃李盡風流

春雪

梅瓣全飄額柳綿
未作團如何空隙舞
猶似臘前寒白燕
穿重幕銀花綴曲欄
青陽方布令姑射
自珊珊

詠盆魚

莫道盆魚水不多也
容魚樂勝滄波薄寒

寶鼎堂詩集
依藻偶成隊負暖昂頭不爲歌影底天從
游處動靜中機向躍前過只防變化因風
雨去伴陶家壁上梭

題山水小景

還是烟中是雨中翠霏微界灑西東山容
平妥看如臥樹色青葱旋欲融磬遠僧招

乘月艇笛高漁逐度溪風林巒好處煩君
筆著我蕭然一畝宮

詠杏花

樹成林後傳仁術春最濃時憶曲江何似
酒家新雨過枝間下上燕雙雙

春雨

雲模糊裏有還無著物濛濛潤似酥麥隴
正宜沾霖霖舞筵何惜污擢瑜海棠紅濕
經誰浴楊柳煙垂倩孰扶待得晴原春色
呀不聽泥滑聽提壺

望雨和韻

舞雩垂典禮命說重甘霖空憶月離畢何

時木守心悠颺占少女轉盼灑平林竚看
回天鑒如膏沛澤深

禊日雅集

令節逢脩禊娛情憶永和溪山如畫稿絲
管有鶯歌少長同心集壺觴引興多古今
原俯仰那惜醉顏酡

詠綵花

倚壁相看疑是畫
臨風唯訝不聞香
始知春雨春晴外
別有施朱施粉光

其二

不是粧成不染成
春光多逐剪刀生
笑他玉蘂唐昌裏
猶有飄廊點地聲

其三

韓郎遇有根方染
殷七還憑樹吐葩
何似人工奪天巧
于無花處也開花

見荊蘼花偶成

逢花每不惜深杯
只恐春光去不回
今日欲尋誰對飲
園人報道荊蘼開

寶壽堂詩集
春雨後早行花間

經雨花光艷欲沈
流鶯喚我傍花行
薄寒淡蕩苔痕滑
曉氣熹微柳色輕
盡洗新粧臨綺陌
愧無奇句報初晴
郊原更有欣然處
布穀聲中勸早耕

題王孟端畫竹

萬類各呈妍
高節惟修竹
穆如來清風
比德重淇澳
繪形落俗工
稿本嫌太熟
舍人冰雪姿
萬畝蟠胸腹
偶然露一梢
烟雨生尺幅
我筆化低昂
彼韻成起伏
鸞鳳如可招
清嘯鳴嶰谷
相對整冠巾
楞嚴靜中讀
重陽後對菊偶成

寶壽堂詩集
三
萸佩初傳後霜花吐艷時
比人占晚節入畫在疎林
釀作仙家醞吟成高士詩
一年秋最好爛熳醉瓊卮

重陽後大雪

昨日天邊落帽風
今吹碎玉落瓊宮
金精白應三秋律
從此楓林不敢紅

秋晴訪菊

柿葉初黃楓葉紅
芙蓉花老鯉魚風
年年檢點新秋句
半在鄰家菊數叢

其二

重陽曾插滿頭時
尙有秋光寄一枝
莫訝尋秋秋已晚
猶勝冒雨問東籬

寶壽堂詩集
秋日同憇雲道人過廣化寺僧有登
壇講經者遂賦詩一首

汗漫遊如不繫舟
禪關鐘鼓振清秋
六時千偈同翻水
異代殘碑欲枕流
何物田衣宣貝葉
誰人池曲覓雞頭
年來未得安心法
彌勒同龕許我不

賦得清泉石上流

泉源不識來何處
石上涓涓自蜿蜒
韻遠似聞鳴玉佩
調高難寫入冰弦
溪風蹙縮龍鱗細
巖月玲瓏匹練鮮
曾有高人來洗耳
還思攜作枕安眠

冬日曉窓

寶壽堂詩集
寒漏初停雞唱過一窓曉日睡消魔誰攜
天上黃綿襖來照人間安樂窩滄海盡邊
羊腓熟梧桐高處鳳鳴和吳儂生長吳江
畔憶趁霜晨晒釣簑

賦得小窓燈火讀書聲

前彥繼膏油汲深綆待脩三餘勤寸晷五

夜業千秋朗詠驚鸞鶴奇文燭斗牛不煩
藜杖照几案夜光浮

詠池上新月

澄波動遠明挂魄耀初生天際如鈎曲池
心似鏡平難分翹鷺影或動老魚驚不寐
幽人意披襟風露清

寶壽堂詩集
詠瑞露

夜飲周恩覃朝餐漢曆長金盤曾泛液沉
瀼自流光淨覺琴書潤膏生禾黍香史臣
方載筆葦竹紀嘉祥

至日偶成

黃鐘律應初陽動太史雲書五色鮮聞說

今朝長一線願隨龍袞補堯天

臘月望雪

豐年須臘雪望切豆稽灰瑞信迎三白飛
花憶九垓灞橋難覓句嶺嶠孰催梅曾記
山陰路何時放棹回

新移書室

寬然一室四時宜送我移來有月隨窓紙
白于晴後雪爐香濃過暖時飴健抽虎僕
添詩稿細撫隃糜近墨池雅有書聲出金
石琅琅自徹仲舒帷

春雪

幾日春寒峭峭風飛霰又欲報年豐誰將

郢國陽春曲吟就庭前柳絮中

詠盆中小松

歷盡冰霜耐歲寒高人曾自與盤桓
昂霄聳壑他年事且作盆中小屈盤

其二

根柯屈曲葉青葱曾作濤聲兩鬢風
輸與

寶島堂詩集
丁公生腹上問年十八便三公

賦得山色有無中

樹色山光總不分翠霏微裏蕩煙雲不知
山寺藏何處只有鐘聲隔澗聞

詠盆池

莫道盆池小淪漣可入詩素娥垂耀處寶

鏡出奩時夜淨涵千宿庭虛潤四維非關
風簇穀苻藻自叅差

擬瀛臺賜宴

地臨蓬島五雲鮮

湛露

恩濃

勅賜筵玉學金樽傳已遍小臣何幸侍

鈞天

詠竹

文砌來疎影翻翻玉一叢歲寒昭勁節籟
遠挹清風作杖騰虬澗調音叶鳳筒

聖朝多雨露可許近青穹

詠牡丹花

奇葩天與冠羣芳况值鑾輿眷顧傍紅藥
階前尊國色侍臣衣上撲天香開成麗采
呈堯莢蒸作祥雲護舜裳任是暮春花却
豔須知化日自舒長

詠池上春柳

寶鼎堂詩集
三十四
一片光明鏡乍磨垂楊如畫臥春波暖蒸
潤氣條皆舞密帶鶯聲葉下歌不學陶潛
栽栗里敢同張緒美靈和惟欣
聖德深難報願蔭龍舟過綠蘿

擬

聖駕乘舟賞春命賦

暖風吹動碧潏潏青雀欣來此

幸巡水底魚龍皆欲奮岸間花鳥亦相親橫
汾昔日長歌發浮洛當年五福陳何似春
波寬似海

聖恩北海更無津

詠鶴

寶壽堂詩集
原是冲霄質曾聞警露音附書傳閬苑寫
舞入瑤琴月映素翎潔年隨丹頂深願充
鴛鷺隊一試九臯心

對雪有懷

兩地遙懷隔鳳城又飄密雪擁瑤京琴書
照映幽逾潔彝鼎摩挲淑更清瀉竹欲催

吟鉢韻洒窓如和煮茶聲年來頻向高齋
醉乍對飛翼動遠情

其二

非絮非鹽遍九垓袁安高臥戶誰開自嗟
久客衣裘薄敢歎殘冬雨雪摧阻我過從
泥滑滑動人離思白皚皚猶餘唵興樽前

寶壽堂詩集
發要索高才和幾回

乙未遠歸閱英兒詩頗有思致因用
其韻

我生彌勒可同龕涉世原知七不堪客久
歸裝如落葉漏殘添課當朝叅居心漸欲
忘冰炭擇術從來判矢函惟有南山山徑

好頻年入夢費幽探

丙申五月觀潮

噴薄珠宮地軸翻誰將隻手障狂瀾素車
白馬千年恨鼉憤龍愁五月寒世路儘教
波共險壯懷要與海同寬扶桑浴日平生
志多恐乘桴到却難

偶見

或傍籬邊或水邊閒行緩步小留連雙鬢
兩髻分明見只恨回頭是偶然

賦得月移花影上欄干

道是欹斜又整齊離離潛上玉階西步虛
似欲凌空去繪影何妨作畫題漸向簾窺

疑有約偶經雲亂便如迷婆娑莫作留連
意看取收身月自低

丙子誕晨姪輩以生魚稱祝感而有
作

黔婁老作書中蠹德曜欣占夢叶鱣知是
阿咸工頌禱譬他麥望食神仙鯤鵬擊水

寶壽堂詩集
慙衰朽機杼添膏謝管弦料理殘年惟強
飯遠歸不用尺書傳

丁酉三月沈同門軼九招集陳同年
某唐同年彙征梅同年拱辰及家
考傳西湖放舟讌集詩以紀勝

春風何物能如染山翠葱葱波潏潏乍聞

鶯語舌初圓又見楊枝腰欲颭逢春倘不
作春遊轉眼春歸寧不歉我來十日住湖
頭苦雨暫收雲復滄幸逢地主解頻揚公
罔之裘偕序點相期晴後喚湖船惟恐此
言行不淹曛曛曉枕升朝陽散盡浮雲面
無鷹鳴鞭折柬致同人畫舫清流如入剡

湖山入眼心爲開美酒澆喉口脫嫌但願
春波化作醅不愁菱角磨成芡高筵勝侶
試曆陳東井星明今復儼主人風雅裔東
陽陳孟溫文踏繩檢山居賦繼子西篇廬
陵手爲都官斂竹林二阮昔聯鑣痴叔迂
頑我竊忝人生別久會面稀相對敢辭杯

灑灑錢王碑下弔興亡鄂國墳邊罵奸諂
興酣竟入壑庵中臥水橋欹花護廣一泓
清淺絕纖塵幾疊雲煙藏片崦醉暝却喜
石爲牀籍草不煩斲產簞回舟洗盞更獻
酬暮靄橫山嗟荏苒吾徒好樂幸無荒綺
席豐腴宜稍儉主情雖與湖俱深客醉行

寶壽堂詩集
逢日垂晷唯恐他日憶茲遊歷歷歡場歸
電閃放歌聊作紀遊詩匹如嚶語人方麤
丁酉嘉平祝壻生子遂作洗兒詩以
賀之

年來頻望子生枝今日歡聞女得兒但使
孫行林樣立不嫌髻影雪成絲年衰漸切

添丁念家落長懷啓後思欲助洗兒囊已
罄漫邀老筆寫新詩

其二

孫枝漸喜出孤桐我老猶能舉一雄

是月
余妾

鳳書亦
產一子

頭角人傳甥以舅提攜吾欲祖兼

翁潛夫解著何妨賤宅相能成不諱窮整

寶壽堂詩集
頓聯翩湯餅醉衆雛扶我勝枯筇

庚子秋季爲查沛恩親家寫遠山圖

并題其後

彷彿三山在眼中直窮遠勢寄秋容知君
身具神仙骨畫出蓬萊海外峰

辛丑二月適余五十初度某同年枉

贈佳章遂依韻奉答聊誌吾痛而

已

臂枯齒脫眼初昏弧矢深慙挂華門席帽
頻年隨漢計扳輿無日痛潘園鮮民自分
生同死風樹偏於寂處喧憂患倥傯成老
大尙驚噩夢夜捫元

寶鼎堂詩集
上太史本房師

辛丑禮闈蒙
夫子首薦

海月冰壺徹底清，獨容下士綴羣英。
韓公重望山同峻，蜀相程材秤樣平。
漫向楚弓分得失，總經玉尺感生成。
鹽車已荷孫陽顧，拂拭枯枝亦向榮。

其二

雲泥且莫論升沈，一字褒踰華袞尊。
宋五自知宜下第，陳三誰信最銜恩。
骨凡難隸神仙籍，材枉偏容大匠門。
投老江湖添遠夢，每懷臯比望台垣。

送陳某下第南歸卽和贈別原韻

遼廓歸鴻破沈瀟，平泉何羨李文饒。
不因

寶泉堂詩集
腐鼠分欣戚自與園狙謝暮朝晝永未煩
鞭影急天長莫遣尺書遙春明門外春如
海長到旗亭到處招

其二

性癖惟甘中聖賢茫茫百感入衰年嘍吵
作客顏原厚須捷將穿肘更研納履恥隨

長鋏後奚囊已讓短筇先臯比獨擁鱣堂

上經史便便羨老邊

某時爲
廣文

其三

歸計知君爛熟思繞朝贈策亦何爲過江
門第推全盛原道文章要起衰張翥鶴形
原帶病某時
善病嵇康龍性索誰知家山聽遍

寶鼎堂詩集
黃鸝後俗耳針砭乞國醫

其四

莫分鷗侶與鷓行總在他鄉憶舊鄉醉裏
風情懷得得客中歲月去堂堂不休哉與
闔同戲笑矣乎今賦不妨漫倚行囊千首
富搏摭商隱倩誰防

辛丑初夏仁山同學將隨

駕出口詩以賦別

聖朝侍從列清華握手臨岐話別賒正是清
和風景麗祥雲遙護紫雲車

其二

山逕櫻桃滿樹紅鳴鞭按轡百花中老夫

暗把歸期筭待過秋風又朔風

暑日有懷仁山同學

同是南訛長養功炎蒸不到辟塵宮欣逢

主聖臣賢日好咏微涼殿閣風

中秋夜月色甚佳有懷仁山同學

人傳秋月好吾獨念邊城塞迴霜同潔山

寒影倍清雁飛遲尺素鵲繞憶深更料得
侍朝散詩隨桂魄成

秋日有懷塞外諸同學

六龍巡幸萬方歡扈 蹕英材列近班出入

不離 仙仗側友朋迴望五雲間 御營

人靜傳

寶壽堂詩集
天語帳殿風清喜

聖顏欲識賢勞王事處早朝供奉晚朝還

燕山旅館病中偶作

學道無成髮已華形骸粗識似搏砂生原
如寄歸何戀病要安心藥便差聊與維摩
同示疾笑他溫序苦思家無端勞動平生

友念我鬢鬢暗悼嗟

其二

獨抱情懷獨自知病中約略說襟期共嗟
瘦骨如枯腊誰信中心類卷菴難向人言
惟獨語偶牽隱痛觸深悲而今伏枕艱難
遍萬事叢殘付酒卮

其三

落月殘燈顧影憐鄉關白髮總三千身隨
風際浮萍影病負秋來看菊天瓶罄似呼
庚癸日數窮疑值巳辰年悟來萬事皆天
定得喪悲歡總淡然

仁山同學奉

詔祭告北嶽歸示途次所得新詩清新俊逸

讀之快然口占以贈

北嶽崢嶸拱北辰

龍飛遣祭殫精禋爲酬地德承

天詔却得詩家出貴臣顧盼關山生壯采驅

馳雨雪入陽春頓開老眼狂思旋下筆飛

寶壽堂詩集
騰若有神

癸卯十月釋褐後接家書知英兒已
於是月舉一子蓋前此所未曾也
喜而賦此

南宮新得第子舍喜添兒假在少壯日翻
無合併時急移湯餅會來趨曲江池莫笑

鳳雛小行棲上苑枝

甲辰逼除下榻祝壻寓齋有以佳醞
見餉者與之聯句誌喜

吏部入鄰遭急縛汝陽遇麪苦流涎素况

逢封氏八姨虐

是日大風

難得青州從事賢

喬

齡便欲放歌同小吏更思濡髮作吳顛與

寶宗堂詩集
騰若有神

癸卯十月釋褐後接家書知英兒已
於是月舉一子蓋前此所未曾也
喜而賦此

南宮新得第子舍喜添兒假在少壯日翻
無合併時急移湯餅會來趨曲江池莫笑

鳳雛小行棲上苑枝

甲辰逼除下榻祝壻寓齋有以佳醞
見餉者與之聯句誌喜

吏部入鄰遭急縛汝陽遇麴苦流涎素邨况

逢封氏八姨虐是日大風難得青州從事賢喬

齡便欲放歌同小吏更思濡髮作吳顛與

君共結歲寒約素守歲更長抱甕眠喬

其二

磨得麝煤凝鳳味喬添來獸炭熱龍涎吟

詩懶作淡生活素把盞惟思中聖賢喬麴

道士來憐杜渴素管城子喜效揚顛知君

厚意濃如酒喬開甕歡呼廢夜眠素

乙巳初夏南歸適當吳國晚蠶遂以

蠶過三眠後爲題與英兒聯句

蠶過三眠後素終宵送雨聲羣吞疑浪卷

英脆響若雷驚身後誰憐汝素生前解愛

卿欲知濟物處遺蛻是功名英

其二

君共結歲寒約素守歲更長抱甕眠喬

其二

磨得麝煤凝鳳味喬添來獸炭熱龍涎吟

詩懶作淡生活素把盞惟思中聖賢喬麴

道士來憐杜渴素管城子喜效揚顛知君

厚意濃如酒喬開甕歡呼廢夜眠素

乙巳初夏南歸適當吳國晚蠶遂以

蠶過三眠後爲題與英兒聯句

蠶過三眠後素終宵送雨聲羣吞疑浪卷

英脆響若雷驚身後誰憐汝素生前解愛

卿欲知濟物處遺蛻是功名英

其二

寶壽堂詩集
蠶過三眠後辛勤不可名素人從桑下宿

婦向月中行英葉少難論價雨多便課晴

經綸須滿腹素愛豈欲其生英

絕糧聽夜雨與英兒聯句

已愁巧婦炊無米素更聽蕭蕭風雨鳴英

陋巷笙歌喧兩部素伴人燈火暗三更道

謀敢有憂貧意英生計唯應比水清但把

窮愁詩遣興任他滴瀝到天明素

其二

平生溫飽不關情此境蕭條却未經素行

賦東坡爨婦句聊餐子美腐儒羹何堪地

僻兼天漏忍使燈殘掩月明英縱有筆耕

蠶過三眠後辛勤不可名素人從桑下宿

婦向月中行英葉少難論價雨多便課晴

經綸須滿腹素愛豈欲其生英

絕糧聽夜雨與英兒聯句

已愁巧婦炊無米素更聽蕭蕭風雨鳴英

陋巷笙歌喧兩部素伴人燈火暗三更道

謀敢有憂貧意英生計唯應比水清但把

窮愁詩遣興任他滴瀝到天明素

其二

平生溫飽不關情此境蕭條却未經素行

賦東坡爨婦句聊餐子美腐儒羹何堪地

僻兼天漏忍使燈殘掩月明英縱有筆耕

寶泉堂詩集
非善策茫茫四海絕呼庚

素

將出京邸留別仁山同學

數易星霜客上京相依燈火讀書聲不材
雖幸邀

天簡暮齒何心戀世榮歸計尚遲緣惜別窮
途得慰見交情尺書念我應頻寄矯首雲

天望雁程

丁未仲春余將有山左之行因賦小

詩留別瞻東山同學

插架圖書繫夢思相依數載忽輕離別時
莫怪難分手未卜衰年再見期

其二

寶鼎堂詩集
非善策茫茫四海絕呼庚素

將出京邸留別仁山同學

數易星霜客上京相依燈火讀書聲不材
雖幸邀

天簡暮齒何心戀世榮歸計尚遲緣惜別窮
途得慰見交情尺書念我應頻寄矯首雲

天望雁程

丁未仲春余將有山左之行因賦小
詩留別瞻東山同學

插架圖書繫夢思相依數載忽輕離別時
莫怪難分手未卜衰年再見期

其二

頭白慙為捧檄人
征衫從此走郵程
一庭梧竹婆娑久
多作蕭蕭送別聲

其三

有愧微員著腐儒
喜君榮擢得新除
臨岐執手無他祝
正趨官閒好讀書

寶頴堂詩集 終



頭白慙為捧檄人
征衫從此走郵程
一庭梧竹婆娑久
多作蕭蕭送別聲

其三

有愧微員著腐儒
喜君榮擢得新除
臨岐

執手無他祝囑正趨官閒好讀書

寶頴堂詩集 終



